

玉機微義卷之三十

牙齒門

○論牙齒諸痛所因

東垣曰夫齒者腎之標口者脾之竅諸經多有會於口者其牙齒是也手足陽明之所過上齧隸於坤土乃足陽明胃之脉貫絡也止而不動下齧嚼物動而不休手陽明大腸之脉所貫絡也手陽明惡寒飲而喜熱足陽明喜寒飲而惡熱其病不一牙者腎之標亦喜寒寒者堅牢為病不同熱甚則齒動齧斷祖脫作痛不已故所治療不同也有惡寒作痛者有惡熱而作痛者有惡寒又惡熱而作痛者有惡寒飲少熱

飲多而作痛者有惡熱飲少寒飲多而作痛者有牙齒動搖而作痛者有齒祖而為痛者有齒齧為疔所蝕缺少血出為痛者有齒齧腫起為痛者有脾胃中有風邪但覺風而作痛者又有牙上多為虫所蝕其齒缺少而色變為虫牙痛者有胃中氣少不能於寒祖露其齒作痛者有牙齒疼痛而穢臭之氣不可近者痛既不一豈可一藥而盡之哉

按此論齒惡寒三等作痛本手足陽明動搖齧脫本足少陰故此三經所主為多然齒祖虫疔濕熱齧腫血出作痛痛而穢臭者皆胃熱火盛所致亦有諸經錯雜之邪與夫外因者故二上病機現證

甚詳。學者宜究其機而處治焉。

○論牙痛分三因

陳無擇云。齒爲關門。腎之榮骨之餘也。腎衰則齒豁。精固則齒堅。又大腸支脈在牙齦。主灌注於牙。大腸壅則齒爲之浮。大腸虛則齒露。挾風則攻目。頭面。疔。蠱則齩脫。爲疔皆氣鬱而生。諸證不同治之。

謹按頭面外。冒風寒。或口吸寒冷。致牙痛者。皆外因也。實熱。或陰虛火動。骨蒸所致。氣鬱血熱。虫。疔。皆內因也。硬物所支。打擊等致。皆不內外所因也。故諸證不同治之。陳止言經病。而不具三因者。恐傳梓時脫簡爾。

○論齒痛爲風熱濕熱所致

東垣曰。劉經歷之內。年三十餘。病齒痛不可忍。須時馬外行。口吸涼風則痛止。至家則其痛復作。家人以爲祟神。禱於巫師而不能愈。病乃濕熱爲邪也。足陽明多血多氣。加以膏粱之味。助其濕熱。故爲此痛。因立一方。不須騎馬。常令風寒之氣生於齒間。以黃連。胡桐淚之。苦寒。新薄荷葉。荆芥穗之。辛涼。四味相合。而作風寒之氣。治其濕熱爲主。以新升麻之。苦平。行陽明經爲使。牙齒骨之餘。以羊筋骨灰補之。爲佐。麝香少許入內。爲引用。爲細末。擦之。痛乃減半。又以調胃承氣湯去硝。加黃連。以治其本。服之下。三兩行。其

痛良愈。遂不復作。

按此論實熱例。而合辛涼風劑。蓋風能勝濕。若以洩熱也。今世俗有以大戟芫花小麥蜀椒細辛茶耳。熬湯熱漱。而牙痛立止者。正同此例。大抵人之牙齒致病。實多內則氣鬱血熱。骨蒸等因。外則咀炙熱受寒水。鹹酸辛辣之味適口。豈不漬搏耶。且如以醋沃石。則石為蘇。况人之骨餘者乎。然雖經絡之喜寒熱氣各不同。所受病異者。則豈全三標爾。

牙齒治法

○治風之劑

玉機微義卷之三十

三

局方細辛散治風蛀牙疼腮頰浮腫

荆芥穗

細辛各一兩

砂仁半兩

白芷

紅椒

草烏各二兩

鶴虱

牙皂各

葦撥各半兩

右為末。每少許頻擦患處。有涎吐之。仍用水灌漱。按此手陽明足少陰厥陰經也。

三因玉池散治風蛀牙疼腫痒動搖牙齦潰爛宜露出血口氣

地骨皮

白芷

升麻

防風

細辛

川芎

槐花

當歸

藥本

甘草等

右為末。每用一字。以酒之。痛甚取二錢水盪半日。

半合姜三片煎漱

按此手足陽明厥陰藥也

百一選方治風牙疼

白芷兩一 硃砂分一

右為末煉蜜丸櫻桃大每十九丸擦牙上

按此手陽明之藥也

御藥院方獨活散治風毒牙疼牙根腫痛

川芎 獨活 羌活 防風各半兩

細辛 荆芥 薄荷 生地黃各二錢

右咬咀每三錢水煎漱

按此足太陽厥陰少陰藥也

元戎立效散治牙疼

小椒 露蜂房 青鹽

右為細末煎數沸熱漱即止

按此足少陰藥也

東垣羌活散治風寒寒濕犯腦項筋惡牙齒動搖肉
斷相脫疼痛苦楚

麻黃去節三兩 羌活一錢半 柴胡兩半 升麻

蒼朮各半錢 草豆蔻一錢 防風三分 藁本三分

細辛少許 當歸身六分 白芷 桂各三分

羊脛骨灰二錢半

右為末先以溫水漱過擦之

按此足三陽太陰藥也

○治寒之劑

御藥院方丁香散治牙齒痛

丁香 葦撥 蝎梢 大椒等分

右為末。每少許擦於患處

按此足陽明太陰藥也

草薺散嗜藥

草薺 良姜 胡椒 細辛等分

右為末。每少許含溫水隨痛處鼻內啗

按此足少陰太陰藥也

東垣白芷散治大寒犯腦牙齒疼痛

麻黃 草豆蔻各一錢半 黃芪 升麻各一錢

吳茱萸 白芷各四分 當歸 熟地黃各半錢

藁本三分 桂枝二分 羌活八分

右為末。先用溫水漱淨以藥擦之

按此手足陽明太陽厥陰藥也

○治風熱之劑

元戎胡桐淚散治足陽明經虛風熱所襲流傳牙齒

攻注牙齦則致腫結妨悶甚者與齦間津液相搏

化為膿汁宜用此藥

胡桐淚 石膽礬 黃礬 蘆薈

升麻各半兩 麝香 亂髮灰各一錢 硃砂

細辛

當歸頭

川芎

牛膝各二錢半

右為末。先以甘草湯漱口。後用藥少許傅之。以膏用少許擦牙。去風熱消腫。化毒牢固。永無牙宣疳血之病。

按此足陽明厥陰藥也。

犀角升麻湯。治陽明經受風熱。口唇頰車連牙腫痛。

犀角七錢半

升麻五錢

防風

羌活各三錢半

川芎

白芷

黃芩

白附子各二錢半

甘草一錢半

右吹咀水煎。

按此手足陽明太陽藥也。

○治寒熱之劑

東垣當歸龍膽散。治寒熱停牙痛。

麻黃

升麻

黃連

章龍膽

草豆蔻各一錢

白芷

羊脛骨灰

當歸尾

生地黄各五分

右件為末擦之。

按此太陽陽明少陰厥陰藥也。

益智木律散。治寒熱牙疼。

草豆蔻二錢二分

木律二分

熟地黄

益智仁

羊脛骨灰各半錢

升麻一錢半

黃連

當歸各四分

右為末乾擦之。如寒多不用木律。

按此足陽明厥陰藥也

麝香散。治熱多寒少。牙露根肉。齩脫。血出齒動欲落。大作疼痛。妨食。涼少忤熱多。

麻黃根一分

苧豆蔻

黃連各一錢半

益智仁二分半

升麻一錢

當歸

生地黄

人參

漢防已酒製各三分

熟地黄二分

羊脛骨灰二錢

麝少許

右為末擦之

按此足陽明太陰藥也

○治熱攻下之劑

元戎調胃丸。治齒痛血出不止

右以調胃承氣湯為末蜜丸服

升麻丸。治陽明有熱攻注牙齒腫痛脉洪大而實

細辛

升麻

防已

羌活

牽牛

大黃

右等分為末。煉蜜丸桐子大。每二十九。溫水臨睡服。

按此二方陽明例藥也。論云病源有手陽明之支脉入於齒。齒是骨之所終。髓之所養。若風冷客於經絡。傷於骨髓。冷氣入齒根。則齒痛。或胃與大腸俱熱。大便秘結。經絡壅滯。而齒齩痛者。治法不同也。

○清胃涼血之劑

東垣清胃散。治因服熱藥。使上下牙疼不可忍。引頭腦滿面發熱。太痛。喜寒惡熱。

生地黄三分酒製

升麻一錢

牡丹皮半錢

當歸

黃連各三分

右作末為一服水煎冷服

神功丸。治多食肉人口臭不可近。牙齒疳蝕。牙齦肉將脫。齒落血不止。

黃連酒製

砂仁各半兩

生地黄

甘草各三錢

藿香葉

木香

當歸身

蘭香葉如無

藿香葉代之各一錢

升麻二錢

右為末湯浸蒸餅丸如芫荽大。每服百丸至二百丸。白湯食遠下。

按此二方並陽明例藥也。

○治虫之劑

秘方馬夜眼燒存性為末敷上立愈。瑞竹堂方治虫牙疼。

天仙子不以多少燒烟用竹筒抵牙引烟燻之。其虫即死。

謹按牙齦生虫。乃陽明胃土濕熱甚而生也。學者宜治其本。

○補劑

金匱八味丸。治腎虛牙痛。方見補虛門

三因安腎丸。治虛壅牙齒疼痛浮腫。方見腫痛門

按此二方並少陰例藥也。

○取牙藥

本事方取牙落不犯手

草烏 華撥各一兩 川椒 細辛各三錢

右為末每少許揩在患處其牙自落

謹按牙齒動搖多因陽明風熱或濕熱疳蝕牙齦祖露故久則動搖脫之漸也然亦宜求其本而治其內堅藥擦其外庶或有可安之意否則一以動搖取之非也况此藥太躁恐非所宜姑采之以備其例爾

○堅牙藥

聖濟總錄方治牙齒動搖

黑錫半斤。大鍋內化成汁。入桑條灰柳木槌研合成砂。以熟絹羅為末。每日早晨揩牙溫水漱。在盂內以水洗眼能明目黑鬚鬢。

食療云。治牙動及血齲並瘥其齒堅牢。

皂角二錢 鹽半兩

右燒令赤細研夜夜用擦牙齒一月

西嶽華峯方

猪牙皂角及生姜 西國升麻熟地黃

木律旱蓮槐角子 細辛荷葉要相當

青鹽等分同燒燉 研細將來用是良

揩牙牢牙鬚髮黑 誰知世上有仙方

元戎麝香間玉散

酸石榴皮 訶子一 升麻 綠礬枯

何首烏 青蘊 百藥煎 五倍子

沒石子各一兩半 白茯苓一兩 細辛 石膽礬各半兩

荷葉灰 白檀香 川芎 白芷

甘松 苓陵香 茴香 藿香葉

猪牙皂角灰 木鱉子各二錢 革撥 青黛各半錢

麝香一錢 腦子半錢

右為末用藥後茶清漱。又方無腦子加沉香二錢

瑞竹堂方蒺藜散治打動牙齒

蒺藜根一味燒灰貼動處

東垣白牙散

升麻一錢 羊脛骨灰二錢 白芷七分

石膏一錢半 麝香少許

右為末先以溫水漱擦之

按齒者骨之餘精氣所養然無病不可常擦蓋精

氣腎氣反有所惡耳昔人有以苦參揩牙久病腰

病腰者腎受傷也此其鑑焉已上方宜隨證選用

嚴氏香塩散常用。牢牙去風冷蛀齲宜露一切齒疾

大香附子炒令極黑三兩

右為細末如常法擦用

玉機微義卷之三十終

王機微義卷之三十一

腰痛門

○內經叙諸經腰痛

經曰。足太陽脉令人腰痛。引項脊尻背如重狀。○少陽令人腰痛。如以針刺其皮中。循循然。不可以俛仰。不可以顧。○陽明令人腰痛。不可以顧。顧如有見者。善悲。○足少陰令人腰痛。痛引脊內廉。○厥陰之脉令人腰痛。腰中如張弓弩絃。○太陰散脉腰痛。腰下如有橫木居其中。甚則遺洩。

按本論備言諸經及奇經同陰解脉等為痛并刺法甚詳。宜玩本文。

又曰。太陽所至為腰痛。巨陽虛則腰背頭項痛。是動則項如拔。拔者痛。腰似折。髀不可以曲。○腰者腎之府。轉搖不能。腎將敗矣。

脉經曰。凡有所用力舉重。若入房過度。汗出如浴。水則傷腎。腎脹者。腹滿引背。央央然。腰髀痛。○腎者之為病。從腰以下冷。腰重如帶五千錢。

按此云用力已下為內傷腎者。是外因也。

○脉法

脉經曰。尺脉沉。腰皆痛。○腰痛時時失精。飲食減少。其脉沉滑而遲。此為可治。

劉三點曰。腰痛之脉皆沉而弦。沉弦而緊者為寒。沉

弦而浮者爲風。沉弦而濡細者爲濕。沉弦而實者爲
明脈。

○論腰痛爲虛宜補

東垣曰。太陽氣虛則邪客之。痛病生矣。夫邪者是風
熱寒濕燥皆能爲病。大抵寒濕多而風熱少。然有房
室勞傷。腎虛腰痛者。是陽氣虛弱。不能運動故也。陽
之不足宜補陽。如膏粱之人。久服陽藥。醉以入房。損
其真陰。腎氣熱則腰脊痛而不能舉。久則髓減骨枯。
骨枯發爲骨痿。陰之不足宜補陰。

○論腰痛宜刺

經云。腰痛上寒不可顧。取足太陽陽明。○腰痛上熱

取足厥陰。不可以倪仰。取足少陽。東垣云。蓋足之三
陽從頭走足。足之三陰從足入腹。經所過處皆能爲
痛。治之者當審其何經所過分野。循其空穴而刺之。
審其寒熱而藥之。假令足太陽令人腰痛。引項脊尻
背如重狀。刺其郄中太陽二經出血。餘皆倣此。

按本篇論刺法甚詳。宜玩本文。然太陽腰痛刺委
中出血效速。王注經中更言灸疑誤。灸者宜腎俞
腰俞穴。

○論腰痛宜下

子和云。腰者腎之府。爲大關節。血氣不行則沉痛不
能轉側。世人多服補腎藥。鮮有効者。惟用牽牛甘遂

等藥。大瀉其濕。其痛自可。

按此論治只是謂氣鬱氣挫。經壅血瘀。及濕熱甚者。宜行此法。至於氣血不足。腎虛之類。皆未宜輕舉。宜以脉體別之。丹溪有曰。腰痛脉大者。腎虛。脉濡者。瘀血。有濕熱或痰者。不可不辨。

○論腰痛分三因

陳無擇云。六經腰痛皆外因。大抵太陽少陰多中寒。少陽厥陰多中風熱。太陰陽明多燥濕。以類推之。失志傷腎。鬱怒傷肝。憂思傷脾。皆致腰痛者。以肝腎同系脾胃表裏。脾滯胃閉。最致腰痛。其證虛羸不足。面目顰黑。遠行久立。力不能盡。失志所爲也。腹急脇脹。

目視眊眊。所杌不得。意滯於外。宗筋弛縱。及爲白淫。鬱怒所爲也。肌肉濡漬。痺而不仁。飲食不化。腸胃脹滿。閉墜腰脇。憂思所爲也。此屬內因。腎著腰痛。腰冷如水。身重不渴。小便自利。飲食如故。腰以下冷。重如帶五千錢。因作勞汗出。衣裏冷濕。久久得之。腎腰偃。俛腫重。引季脇痛。因於墜墮。惡血流滯。及房勞疲力。耗竭精氣。致腰疼痛。此屬不內外因。補瀉施治。

按此所論病機甚詳。惜乎方治所畧。今聊具其例。一二于左。學者自宜推格。

腰痛治法

○治風之劑

小續命湯。治因風腰痛。方見中風門

三因方加桃仁炒

三因獨活寄生湯。治腎虛卧冷濕。當風所得。

獨活三兩 桑寄生 杜仲炒 細辛

牛膝 秦朮 茯苓 白芍藥

桂心 川芎 防風 甘草炙

人參 熟地黄 當歸各二兩

右咬咀。每四錢。水煎空心服。

按此足少陰厥陰藥也。

牛膝酒。治傷風毒腰痛。

牛膝 川芎 羌活 地骨皮

五加皮 薏苡仁各一兩 甘草 生地黄各十兩

海桐皮二兩 杜仲一兩

右咬咀。帛裹入無灰酒浸。各一七日。夏三五日。每服一盃。日三五次。

按此足太陽少陰藥也。

○治寒濕之劑

濟生術附湯。治濕傷腎經。腰重冷痛。小便自利。

附子 白朮各一兩 杜仲炒半兩

右咬咀。每四錢。入姜煎。

三因腎著湯。治腎虛為病。身重腰冷。如水洗狀。不渴。小便自利。食如故。腰以下冷痛。如帶五千錢。

茯苓

白朮各四兩

乾姜

甘草各二兩

右咬咀每四錢水煎空心分服。本方諸藥各四兩。按此二方足少陰藥也。

○治風寒濕之劑

局方五積散。治感寒濕脾胃氣閉腰痛。方見濕門

三因方加桃仁

東垣川芎肉桂湯。治冬月露卧感寒濕腰痛用此代針。

羌活半錢

柴胡

肉桂

桃仁

當歸尾

蒼朮

甘草炙

川芎各一錢

獨活

神麴炒各半錢

防風

漢防己酒浸三分

右咬咀作一服。好酒三盞煎至一盞。食前暖處溫服。

麻黃蒼朮湯。治寒濕所客。身體沉重。腰痛。面色痿黃。

麻黃

澤瀉

白茯苓

炒神麴

陳皮各一錢

蒼朮二錢

杏仁十箇

桂枝

草豆蔻

半夏

猪苓各半錢

黃芪三分

甘草炙二錢

右咬咀作一服。水煎。食前溫服。

按此足太陽少陰藥也。

○治濕熱之劑

東垣獨活湯。治因勞役濕熱自甚腰痛如折沉痾

山

羌活

防風

獨活

桂

大黃煨

澤瀉各三錢

甘草炙二錢

當歸

連翹各半兩

防己

黃柏各酒製一兩

桃仁三十箇

右咬咀每半兩酒水各半盞煎空心熱服
按此足太陽少陰表裏藥也

蒼朮湯治濕熱腰腿疼痛

蒼朮三錢

柴胡二錢

黃柏

防風各一錢

右作一服水煎空心溫服

健步丸治下虛濕熱腰腿疼痛方見痿門

謹按腰痛亦有內因寒熱致者詳見婦人門師尼
寡婦之治論中宜隨證為治故其例不復具也

○攻下之劑

三因熟大黃湯治墜墮閃肭腰痛不能屈伸

大黃炒

生薑各半兩

右咬咀水浸一宿五更去滓頓服之

按此陽明例藥也

和益腎散

甘遂

心為末每三錢獾猪腰子細批開以鹽椒等物淹

透爛切。搽藥在內。荷葉裹燒熟。酒送下。
按此足少陰例藥也。

○理氣之劑

何方小七香丸治鬱怒憂思或因閃挫擱撲一切氣滯腰痛

丁香

香附

甘草

各一兩

蓬朮

砂仁

各二錢

甘松

八錢

益智仁

六錢

右為末。水浸蒸餅丸如菘豆大。每三二十九。米飲下。

易簡枳殼湯治腰背氣動發痛

枳殼

五兩

甘草

兩

右為末葱白湯調下一二錢服訖即卧少時

按已上並太陰例藥也

○理血之劑

元戎加味四物湯治瘀血腰痛

本方加桃仁紅花

按此厥陰例藥也

東垣地龍散治打撲傷損從高墜下惡血在太陽經中令人腰脊或脛膕臂痛股中痛不可忍鼻塞塞不通

中桂

四分

桃仁

六錢

羌活

錢

獨活

黃柏

各一錢

麻黃

半錢

當歸

一分

地龍

四分

甘草錢一

蘇木分六

右咬咀每五錢水煎服

按此出太陽例藥也

○通關節之劑

濟生菴藺九治墜墮閃胸血氣凝滯腰膝

菴藺子兩半

沒藥

乳香各二錢

虎骨酒洗

歲靈仙

杜仲炒

桂

當歸酒洗

右為末酒糊丸如桐子大每七十丸空心送下

湯任下

東垣越痛九治打撲閃損腰痛不可忍

白蒿苣子炒黃

白粟米炒

乳香

沒藥各一錢

烏梅箇一

右為末蒸餅為丸如彈子大每服一九細嚼用溫

酒空心下

按此出厥陰例藥也

○補劑

局方青娥丸治腎虛腰痛或風寒乘之血氣相搏

痛

杜仲姜炒一片

破故紙炒八兩

地黃酒洗

右為細末蒜四兩為膏和丸如梧子大每服一

空心溫酒送下。一法酒糊丸不用蒜。

黃法建中湯治男女諸虛不足身重短氣腰背疼痛

方見補
虛門

三因安腎丸治腎虛腰痛

破故紙炒

胡蘆巴炒

茴香炒

川棟子炒

續斷炒各兩

桃仁炒

杏仁炒

山藥

茯苓各兩

右為末。蜜在梧子大。每五十九。空心鹽湯下。

三一選方補瀉丹治老人虛弱腎傷腰痛不可屈伸

杜仲炒

破故紙

各十兩用芝麻五兩同研以芝麻黑色無葶為度篩

去芝麻不用

鹿茸

一兩燻去酒浸炙

沒藥一兩別研

右為末和勻用胡桃肉三十箇浸去皮杵為膏入

麩少許煮糊丸如梧子大每百丸溫酒鹽湯任下

摩腰膏治傷寒濕腰痛

附尖

烏頭尖

南星

各二錢半

炒姜

一錢

雄黃

樟腦

丁香

各一錢半

麝香

五粒

右為末煉蜜為膏姜汁化如彈大按掌中火上烘

熱摩之

按此法是代灸之意灸者宜腎俞二穴腰俞一穴

見資生經

玉機微義卷之三十二

腹痛門

○內經叙腹痛所因

舉痛論云寒氣入經而稽遲泣而不行客於脉外則血少客於脉中則氣不通故卒然而痛其痛或卒然而止者或痛甚不可按或按之痛止或按之無益或喘動應手者或脇肋與少腹相引而痛者或腹痛引陰股者或卒然痛死不知人少間復生者或痛而嘔者或腹痛而後泄者或痛而閉不通者各不同形

按本論具已上病形異候皆寒氣所因甚詳宜玩本文唯痛而閉不通為熱氣留於小腸腸中痛瘳

熱焦渴則堅乾不得出為熱痛此述病機寒熱皆能為痛也蓋寒痛者多熱痛者少

○脉法

脉經曰脉細小緊急病速進在中腹中刺痛○陰弦則腹痛○弦急小腹痛○尺脉緊臍下痛○尺脉伏小腹痛癥疝○尺脉實小腹痛當利之○心腹痛痛不得息脉細小遲者生堅大疾者死○腹痛脉反浮大而長者死

傷寒論曰傷寒脉陽澁陰弦腹中急痛裏有虛寒

○論傷寒腹痛

成無已云陰寒為邪者則腹滿而吐食不下自利益

甚腹自痛。大陰證也。發汗不解。醫反下之。因而腹滿時痛者。屬太陽也。桂枝加芍藥湯主之。大實痛者。桂枝加大黃湯主之。

東垣曰。腹中諸痛。皆因勞役過甚。飲食失節。中氣不足。寒邪乘虛而入。客之。故卒然而作大痛。經言得炆則止。炆者熱也。以熱治寒。治之正也。然腹痛有部分。臟位有高下。治之者宜分之。

按已上脈證。言諸虛痛矣。然邪傳入裏。熱結下焦。實滿血結。硬痛。皆實痛也。脈經云。腹滿按之不痛。為虛痛者。為實。此述病機。虛實之異。又兼部分高下言也。

○論腹痛為陰毒所致

詳見寒門

○論腹痛屬熱

原病式曰。熱鬱于內。而腹滿堅結痛者。不可言為寒也。

按丹溪曰。腹痛有積熱者。或死血食積濕痰。皆能作痛。脈弦者食。脈滑者痰。清痰多作腹痛。宜分治之。詳已上。蓋言寒熱之分。故此論及已後病例。皆不之及。

○論腹痛屬血

成無已曰。邪氣聚於下焦。則津液不得通。血氣不得行。或溺或血。留滯於下。是生脹滿而鞭痛也。若從心

下至少腹皆鞭滿而痛者是邪實也。須大陷胸湯下之。若但少腹鞭滿而痛，小便利者，則是畜血之證。小便不利者，則是溺澁之證。

○論腹痛為疝所致見疝門

○論腹痛為瀉痢詳見滯下等門

○論腹痛為積聚所致見積聚門

○論腹痛為腸癰所致見瘡瘍門

○論治腹痛大法

此事難知。曰：傷寒中脘痛，太陰也。理中、建中、黃芪湯之類。臍腹痛，少陰也。四逆、真武、附子湯之類。少腹痛，厥陰也。重則正陽、回陽丹之類。輕則用當歸、四逆湯。

太陰連少陰痛甚者，當變下利不止。○雜證而痛，四物、苦楝湯、酒煮當歸丸之類。夏月腹痛，肌熱惡熱，脈洪疾，手太陰足陽明主之。黃芩芍藥湯。秋腹痛，肌寒惡寒，脈沉疾，足太陰足少陰主之。桂枝芍藥湯。四時腹痛，芍藥甘草湯主之。

按此治法，本傷寒與夫寒疝時行治例也。然學者觀已上諸病機，則脈治思過半矣。

腹痛治法

○溫散之劑

桂枝加芍藥湯治腹滿時痛，脈弱。

按此太陰例藥也。

理中丸治霍亂頭疼身寒腹痛方並見寒門

小建中湯治傷寒陽脉濇陰脉弦腹中急痛者方見補虛

按已上太陽例藥也

真武湯治腹痛下利四肢沉重方見寒門

四逆湯治傷寒下利腹痛四肢逆冷

甘草二錢

附子數大

乾姜三錢

右咬咀水煎

霹靂散治腹痛脉欲絕

附子

一枚炮取出用冷灰培之取半兩入真臘茶一大錢同研細分二服

右每水煎臨熟入蜜半匙候温冷服

桃花湯治腹痛下利膿血小便不利

赤石脂兩一

乾姜錢一

粳米合一

右末水煎服

按已上少陰例藥也

當歸四逆湯治傷寒小腹急痛方見寒門

按此厥陰例藥也

○疎下之劑

仲景桂枝加大黃湯治腹滿時痛煩躁

桂枝

生姜各三錢

芍藥六錢

大黃錢一

甘草二錢

大棗二枚

右咬咀水煎

大陷胃湯治潮熱煩渴從心下至少腹硬滿而痛不可近

大黃錢六

芒硝合一

甘遂分一

右先煮大黃去滓內硝再煮後下甘遂末溫服按已上太陽例藥也

大承氣湯治關脉實腹滿大便秘按之痛或繞臍痛

大黃錢五

厚朴錢一

枳實錢五

芒硝錢五

右咬咀水煎

按此陽明例藥也

○和解之劑

黃連湯治胸中有熱胃中有邪氣腹中痛欲嘔吐者

用此升降陰陽

黃連

甘草炙

乾姜

桂枝各三錢

人參二錢

半夏合半

右咬咀水煎入大棗二枚

芍藥甘草湯

白芍藥

甘草炙

右等分咬咀水煎入生姜

元戎云腹痛脉弦傷氣用本藥

脉洪傷金加黃芩

脉緩傷水加桂枝

脉瀋傷血加當歸

脉遲傷火加乾薑

按已上並太陽例藥也

加減小柴胡湯。治寒熱脉弦腹中痛。

本方去黃芩加芍藥。

四逆散。治寒邪變熱傳裏小便不利腹中痛或泄利。

甘草炙

枳實炒

柴胡

芍藥

右等分每半兩水煎。

黃芩芍藥湯。治腹痛脉洪。

黃芩

白芍藥各三錢

甘草一分

右咬咀水煎加生姜。

按已上並少陽例藥也。

○雜方

元戎四物苦棟湯。治臍下虛冷腹痛。

玉機微義卷之三十二 六

四物湯兩四

玄胡索

苦棟各一兩炒

右咬咀水煎服每服一兩。

酒煮當歸丸。治小腹痛。

當歸兩一

茴香兩半

附子炮

良壽各七錢

右四味酒煮乾再焙。

炒黃鹽

丁香各半兩

全蝎三錢

柴胡二錢

升麻

木香各一錢

苦棟

甘草各半錢

玄胡索四錢

右酒煮糊丸。梧子大。每二三十丸。空心白湯下。

增損當歸丸。治三陰受邪。心腹疝痛。

四物湯兩半

防風

獨活

全蝎各五錢

續斷

茴香各一兩

苦棟

玄胡索各七錢

木香

丁香各二錢半

右為末酒糊丸梧子大每四五十九白湯下

苦棟丸治奔豚小腹痛

苦棟

茴香

附子各等分

右三味酒煮焙乾末之每兩入玄胡索半兩全蝎

炒丁香各十八箇為末酒糊丸桐子大每五十九

食前温酒下

尉炎法見寒門

迴陽丹治陰毒

牡蠣燒

不灰木燒

良薑炒

川烏炮

白芍藥各一錢

麝香少許

右細末每用一錢男病用女唾津調塗外腎女病用男唾調塗乳上

謹按已上諸方皆傷寒例法也餘屬血屬積聚屬亦等因作痛方例見各門茲不備錄

玉機微義卷之三十三

心痛門

胃脘痛附

○諸經叙心痛所因

內經曰。五臟卒痛。何氣使然。曰。寒氣客於背俞之脈。則血脈泣。脈泣則血虛。血虛則痛。其俞注於心。故相引而痛。按之則熱氣至。則痛止矣。重感於寒。則痛久矣。

鍼經曰。足太陰之脈。其支者。復從胃別上。膻注於心中。是動則病。舌本強。食則嘔。胃脘痛。腹脹。善噫。心下急痛。○胃病者。腹膜脹。胃脘當心而痛。上支兩脇。膈咽不通。○厥心痛者。乃寒邪客於心包絡也。○真心

痛者。寒邪傷其君也。手足青至節。甚則旦發夕死。夕發旦死。

脈經曰。愁憂思慮則傷心。傷心則苦。驚喜忘善怒。心傷者。其人勞倦。即頭面赤而下重。心中痛徹背。其脈弦。此心臟傷所致也。○諸虫痛者。如心腹痛。懊懣發作。腫聚往來。上下行痛。有休作。心腹中熱。善渴。涎出面色乍青乍白乍赤。嘔吐清水者。蛭咬也。以手緊按而堅持之。無令得移。以針刺之。久持之。虫不動。乃出針也。

○脈法

脈經曰。脈陰弦為心痛。○心脈微急為痛。微大為心

痺引背○短而數心痛○濇則心痛○脉浮大弦長者死。沉細者生

○論心痛有熱厥寒厥不同

病機要曰。諸心痛者。皆少陰厥陰氣上衝也。有熱厥心痛者。身熱足寒。痛甚則煩躁而吐。額自汗出。知爲熱也。其脉浮大而洪。當灸太谿及崑崙。謂表裏俱瀉之。是謂熱病汗不出。引熱下利。表汗通身而出者。愈也。灸畢服金鈴子散。則愈。痛止服枳朮丸。去其餘邪也。有大寶心中痛者。因氣而食。卒然發痛。大便或秘。久而注悶。心胸高起。按之愈痛。不能飲食。急以煮黃丸利之。利後以藁本湯去其邪也。有寒厥心痛者。

手足逆而通身冷汗出。便溺清利。或大便利而不渴。氣微力弱。急以朮附湯溫之。寒厥暴痛非久病也。朝發暮死。急當救之。是知久病無寒。暴病非熱也。

按此論寒厥熱厥與夫大寶心痛及治法已詳。然亦有病久氣血虛損。及素作勞羸弱之人。患心痛者。皆虛痛也。故錢氏曰。心虛者炒鹽補之。觀圖經衍義中。具蠟治心痛。則蠟粉與鹽實得之矣。但世俗莫知其妙。而先哲不言此例者。欲人自求之爾。

○論心痛分三因

陳無擇云。十二經絡外感六淫。則其氣閉塞。鬱于中。爲氣與邪爭。發爲疼痛。足厥陰心痛。兩脇急引小腹。

逆陰股相引痛。手心主痛。徹背。心煩。掌中熱。咽乾。目黃赤。脇滿。足太陰心痛。腹脹滿。漉漉然。大便秘。利。膈閉。咽塞。手太陰心痛。短氣不足。以息。季脇控痛。遺失無度。胸滿。煩心。足少陰心痛。煩劇。面黑。心懸。若飢。胸滿。腰脊痛。背輪諸經心痛。心與背相引。心痛徹背。背痛徹心。諸腑心痛。難以俛仰。小腹上衝。卒不知人。嘔吐泄瀉。此皆諸經諸俞諸腑涉邪所致。病屬外疴因。若五臟內動。汨以七情。則其氣痞結。聚于中脘。氣與血搏。發為疼痛。肝心痛者。色蒼蒼如死狀。終日不得太息。真心痛者。云云脾心痛者。如針錐刺其心腹。蘊蘊然氣滿。肺心痛者。若從心間起。動作痛益甚。色不

變。腎心痛者。與背相引。善悲。如物從後觸其心。身偃。樓胃。心痛者。腹痛胸滿。不下食。食則不消。皆臟氣不平。喜怒憂鬱所致。屬內因。飲食勞逸。觸忤非類。使臟氣不平。痞膈于中。食飲道注。變亂腸胃。發為疼痛。或飲啖生冷。菓實中寒。不能消散。結而為積。遇食還發。名積心痛。及其臟寒。生虵。致心痛者。所謂九種心痛。曰飲。曰食。曰風。曰冷。曰熱。曰悸。曰虫。曰疰。曰去來痛者。除風熱冷屬外疴。因餘皆不內外。更婦人惡血入心。脾經發作疼痛。尤甚於諸痛。更有卒中客忤。鬼擊尸疰。使人心痛。亦屬不內外因。

按此具三因病機甚詳。但欠諸經病及九痛治例。

欲人自擴充爾然臟病連心。心病連臟。及胃脘痛。結胸之不同。久新滯之異。隨其所甚者為療。故宜其無所定之法也。矧有七情九種之致者。丹溪先生亦曰。凡心膈之痛。須分久新。若明知身受寒氣。口食寒物而病。於初得之時。當用溫散。或溫利之藥。若其病得之稍久。則成鬱矣。鬱則蒸熱。熱久必生火。原病式中備言之矣。若欲行溫利溫散。寧無助火添病耶。由是古方中多以山梔為熱藥之嚮導。則邪易伏。病易退。然向安之後。若縱恣口味。病必復作。凡治此病。必要先問平日起居何如。假如心痛。有因平日喜食熱物。以致死血留於胃口。

作痛者。用桃仁承氣湯下之。若此等例。皆前人所未舉也。學者識之。

心痛治法

○治寒之劑

金匱赤石脂丸。治心痛徹背。背痛徹心。

烏頭一分

附子半兩

蜀椒

乾姜

赤石脂各一兩

右為末。蜜丸如梧子大。食後湯下一丸。日三服。

九痛丸。治九種心痛。兼卒中惡。腹脹痛。

附子三錢

生狼牙一錢

巴豆一錢 熬研如脂

人參

乾姜

吳茱萸各錢

右六味為末。煉蜜丸。梧子大。酒下。強者初服三丸。三因倉卒散。治氣自腰腹間攻心。變急痛不可忍。腹中冷自汗如洗手足冷。

山梔四十九箇連皮燒半過 附子一箇炮去皮臍

右為末。每二錢。酒一盞。入鹽少許。煎溫服。

元戎木附湯。治寒厥暴痛。脉微氣弱。

甘草炙一兩 白朮四兩 附子炮去皮臍切片一兩半

右咬咀。每三錢。入姜棗煎服。

宣明神砂一粒丹。治一切厥心痛。

附子炮 欝金 姜黃各半兩

右為末。醋麪糊丸。如酸棗大。以硃砂為衣。每服一

丸。男子酒下。婦人醋湯下。

按已上出少陰例藥也。

機要藁本湯。治大實心痛。大便已利。宜此服之。

藁本半兩 蒼朮一兩

右為粗末。水煎服清。

按此足太陰太陽藥也。

東垣麻黃豆蔻丸。治客寒犯心胃大痛不可忍。

麻黃不去節三錢 草豆蔻五錢 益智仁八分

炒神麴一錢 升麻 半夏

麥蘖 砂仁 黃芪

白朮 陳皮 柴胡

炙甘草

吳茱萸

當歸身各半錢

青皮

木香

厚朴

葶澄茄各四分

紅花二分

蘇木三分

右為末。湯浸蒸餅為丸。如桐子大。每三十九。溫水下。或細嚼。

按此出太陽例。又氣血之劑也。

○治熱之劑

大陷胸湯。治熱結胸中。脉沉而緊。心下痛。按之石硬。

大黃六錢

芒硝半分

甘遂一分

右先煮大黃。後下硝。遂末取溫服。

按此陽明例藥也。

機要金鈴子散。治熱厥心痛。或發或止。久不愈者。

金鈴子

玄胡索各一兩

右為末。每服二三錢。酒調下。溫湯亦得。

瑞竹堂方應痛丸。治心氣痛不可忍者。

好茶末四兩

棟乳香二兩

右為末。用臘月兔血和丸。如雞頭大。每服一九。溫

醋湯下。

按此二方。少陰經藥也。

○調血之劑

元戎四神湯。治婦人血虛心腹疝痛。

本方減地黃加乾姜。

濟生愈痛散。治急心痛胃脘痛

五靈脂

玄胡索炒

莪朮

良姜

當歸

右等分爲末每二錢熱醋湯調下不拘時

錢觀文方治心脾疼

當歸八兩

白朮八錢

右爲末沸湯點服一二錢

丹溪方治死血胃脘痛者

玄胡索一兩半

桂

滑石

紅花

紅麴各半兩

桃仁三十箇

右爲末湯浸蒸餅丸

按已上並厥陰例藥也。治血虛血實例各不同宜

選用

○理氣之劑

局方蘇合香丸。治疰忤鬼氣卒心痛方見氣門

按此厥陰例藥也。然世俗多用蟠葱散方見氣門宜較輕重

選使

元戎立應散治心腹急痛

香附子炒

良姜等分

右細末每二錢湯點服

濟生加味七氣湯治七氣爲病及外感風寒爲心痛

半夏五兩

桂

玄胡炒各一兩

人參

甘草各半兩

乳香三錢

右咬咀每四錢入薑煎

按已上太陰例藥也

○理氣調血之劑

楊氏方卻痛散治心氣冷痛不可忍

五靈脂

蒲黃炒一兩半

當歸

桂

石菖蒲

木香

胡椒各一兩

川烏炮七錢半

右咬咀每四錢入鹽醋少許煎

按此出厥陰例藥也

百一選方手拈散治心脾疼

草果

玄胡

五靈脂

沒藥

右等分每三錢溫酒調下

宜明沒藥散治一切心肚疼痛不可忍者

沒藥

乳香各三錢

川山甲炙五錢

木鱉子四錢

右為末每半錢至一錢酒大半盞同煎溫服

○消導之劑

元戎厚朴丸治大實心痛方見積聚門

百一選方姜橘丸治中酒惡心心脾痛嘔逆

生姜一斤青盞一兩淹一宿

青皮

砂仁

木香各三錢

莪朮一兩

甘草炙

陳皮一兩半

右爲末煉蜜丸杵千下。丸如櫻桃大每丸塩湯下。易簡感應丸。治酒積食積痰積爲患。心腹疔痛。

丁香 木香 豆蔻 乾薑

巴豆 杏仁 百草霜

右用見成丸子半兩入巴豆十箇去殼研成膏用。烏梅三箇蒸過去肉。三件一處研令極勻丸如棗豆大每三五丸温水下。

丹溪方治痰飲積胃脘痛

螺螄殼擗上年久者燒 滑石炒 蒼朮

山梔 香附 南星各一兩 枳殼

青皮 木香 半夏 砂仁各半兩

右爲末生薑汁浸蒸餅丸如棗豆大每三四十丸薑湯下。春加芫夏加黃連冬加吳茱萸半兩按已上出太陰例藥也。

○治虫之劑

三因集効丸治臟腑虛弱或多甘肥致動作心腹絞痛

木香 鶴虱炒 檳榔

訶子煨去核 蕪荑炒 附子炮

乾薑炒各七錢半 大黃一兩半炒

右爲末蜜丸如梧子大每三十九食前橘皮湯下。婦人醋湯下。

按... 例藥也姑... 丸以備其便

行... 醋湯調些少服之

集錄方... 枝核一味燒存性為末用醋湯調下一錢
失笑散治心腹痛百藥不効

五靈脂

蒲黃等分

右為末先以醋調二錢熬成膏入水一盞食前
溫服

玉機微義卷之三十四

頭痛門

○論厥頭痛真頭痛

靈樞云。厥頭痛。取足六經手少陰。真頭痛。頭痛甚。腦盡痛。手足寒至節死。不治。詳見厥病篇

難經云。手三陽之脉受風寒伏留而不去。則名厥頭痛。入連在腦者。名真頭痛。

按靈樞有厥頭痛之名。而不指何邪為病。至難經始言風寒伏留不去。而三因證氏論云。氣血俱虛。風寒暑濕之氣所侵。傳於陽經。伏留不去。名曰厥頭痛。蓋厥者逆也。逆壅而衝於頭也。痛引腦巔。陷

至泥丸宮者。名真頭痛。非藥之能愈。夕發且死。旦發夕死。責根氣先絕也。斯言得之矣。

○頭痛脉法

內經云。寸口脉中短者。曰頭痛。

脉經云。陽弦則頭痛。又云。寸口脉浮中風發熱頭痛。脉緊頭痛。是傷寒。脉緊上寸口者。風頭痛。

脉訣云。頭痛短瀋應瀆死。浮滑風痰皆易除。

○傷寒頭痛

活人書云。頭痛者。陽證也。太陽證。頭痛發熱惡寒。無汗。麻黃湯。有汗。桂枝湯。若已發汗。未發汗。頭痛如破。者。連翹葱白湯。不止者。葛根葱白湯。陽明證。頭痛不

惡寒反惡熱胃實也。調胃承氣湯。少陽頭痛小柴胡湯。太陰少陰並無頭痛之證。仲景只有厥陰一證。吳茱萸湯。

按傷寒以足三陽經上行至頭。并厥陰與督脉會于巔。故止言四經頭痛。若雜病所感者。諸經皆能頭痛也。活人用葱白湯以通上下之陽氣也。

○諸經內外頭痛用藥法

大陽頭痛惡風寒川芎○少陽頭痛往來寒熱脉弦柴胡○陽明頭痛自汗發熱惡熱白芷○太陰頭痛體重痰實腹痛半夏○少陰頭痛三陰三陽經不流行而足寒逆為寒厥頭痛細辛○厥陰頭痛項痛脉

微浮緩欲入太陽其疾痊然亦當用川芎

寶鑑作葉本一作兵

○氣虛頭痛黃芪○血虛頭痛當歸寶鑑作川芎下同○

諸氣血俱虛頭痛黃芪當歸○傷寒太陽頭痛麻黃湯桂枝湯○陽明頭痛白虎湯○少陽頭痛柴胡湯

○太陰頭痛脉浮桂枝湯脉沉理中湯○少陰頭痛脉沉微熱麻黃附子細辛湯○厥陰頭痛外傷本經桂枝麻黃各半湯○嘔而微吐水吳茱萸湯

按此與後論重出者衆然中間藥味略有不同故兩存之

○東垣頭痛論

金匱真言論云東風生於春病在肝俞在頭項故春

氣者病在頭。又諸陽會於頭面。如足六陽之脉病衝頭痛。足少陽之脉病頭角頷痛。夫風從上受之。風寒傷上邪。從外入客於經絡。令人振寒頭痛。身重惡寒。治在風池。風府。調其陰陽。不足則補。有餘則瀉。汗之則愈。此傷寒頭痛也。頭痛耳鳴。九竅不利者。腸胃之所生。乃氣虛頭痛也。心煩頭痛者。病在膈中。過在手巨陽少陰。乃濕熱頭痛也。如氣上不下。頭痛巔疾者。下虛上實也。過在足少陰巨陽。甚則入腎。寒濕頭痛也。如頭半寒痛者。先取手少陽陽明。後取足少陽陽明。此偏頭痛也。有真頭痛者。甚則腦盡痛。手足寒至節者死。不治。有厥逆頭痛者。所犯大寒。內至骨髓。

者以腦為主。腦逆故令頭痛。齒亦痛。凡頭痛者木也。風則溫也。治以辛涼。秋尅春之意。故頭痛皆以風藥治之者。總其大體而言之。高巔之上。惟風可到。故味之薄者。陰中之陽。乃自地升天者也。然亦有三陰三陽之異。故太陽頭痛。脉浮緊。惡風寒。川芎羌活獨活麻黃之類為主。少陽經頭痛。脉弦細。往來寒熱。柴胡為主。陽明頭痛。身熱目疼。鼻乾惡寒。發熱惡熱。其脉浮緩而長。升麻葛根。或石膏白芷為主。太陰頭痛。必有痰。體重。或腹痛。為痰癖。其脉沉緩。蒼朮半夏南星為主。少陰經頭痛。三陰三陽經不流行。而足寒氣逆。為寒厥。其脉沉細。麻黃附子細辛湯為主。厥陰頭痛。

項痛或痰吐涎沫厥冷。其脉浮緩。吳茱萸湯主之。諸血虛頭痛。當歸川芎為主。諸氣虛頭痛。人參黃芪為主。為主者。主治也。兼見何證。以佐使藥治之。此立方之大法也。氣血俱虛頭痛者。於調中益氣湯中。少加川芎蔓荊子細辛。其效如神。半夏白朮天麻湯治痰厥頭痛藥也。青空膏乃風濕熱頭痛藥也。羌活附子湯。厥逆頭痛藥也。如濕氣在頭者。以苦吐之。不可執方而治。

按此論頭痛。至為詳悉。首言傷寒內傷頭痛。歷引內經。以明濕熱寒濕偏頭痛。真頭痛。厥逆頭痛等證。細分六經用藥之法。後世無以加矣。

○論三陽受病頭痛

子和云。頭痛不止。乃三陽受病也。三陽分部分。頭與項痛者。足太陽經也。攢竹痛。俗呼為眉虎骨痛者。是也。額角上痛。俗呼為偏頭痛者。足少陰經也。如痛人不已。則令人喪目。以三陽受病。皆胸膈有宿痰之致。然也。先以茶調散吐之。吐訖。可服川芎薄荷辛涼清上之藥。叔和云。寸脉急而頭痛。是也。

按此云頭痛。乃三陽受病。皆胸膈有痰之致。乃指病之壅鬱於上而言也。內經云。春氣者。病在頭。蓋天氣在上。知病氣亦升於上也。吐之所以宜。達在上之邪。仲景云。大法春宜吐。是也。此亦治頭痛之

一法但不可專執於此

○論頭痛屬火熱之病

子和云。丹陽僧病頭熱痛不散。見明以布圍其顛上。置水於其中。日易數次。戴人曰。此三陽畜熱故也。乃置炭火於煖室中。出汗涌吐。三法併行。七日而愈。一婦人偏頭痛五七年。大便結燥。兩目赤腫。駭運世之頭風藥無不服。其頭上針艾數千百矣。一日戴人診其脈急數而有力。風熱之甚也。此頭角痛。是三焦相火之經。乃陽明燥。金勝也。燥。金勝肝。則肝氣鬱。肝氣鬱則氣血壅。氣血壅則上下不通。故燥結於裏。尋至失明。治以大承氣湯。令河水煎二兩。加芒硝一

兩煎成。頓令分三五服。下泄如湯二十餘行。次服七宣丸。神功丸以潤之。菠菘葵菜猪羊血以滑之。三劑之外。目豁首輕。燥澤結釋而愈。

按此所治之疾。既已多年不解。豈非風濕熱三氣鬱滯膠固而然哉。故其所施之法。雖峻而於中病之情則得也。又論頭風之甚者。久則目昏。偏頭風者。少陽相火也。久則目束。小大便秘澀。皆宜出血而大下之。出血之義。是即開鬱解表也。

謹按頭痛之證。其原甚多。東垣之論可謂詳矣。然自外而致者。有風寒暑濕之異。若仲景之傷寒。東垣分六經之類。皆是也。自內而致者。有氣血痰飲

五臟氣鬱之異。東垣論氣虛血虛痰厥頭痛之類皆是也。大抵四滂皆外邪。隨其風寒濕熱多少而治於外也。氣血痰飲五臟之證皆內邪。亦宜隨其血氣痰飲七情內火。分虛實寒熱而調其內以治於外也。然氣血虛而用補宜東垣之論。若三因等方用附子以治氣虛。此則從陽虛立意。非人身平和之血氣也。若夫久年偏正頭風者。多因內挾痰涎。風火鬱遏經絡。氣血壅滯之證。然亦有血虛者。須宜分別以治之。

頭痛治法

○治風之劑

局方川芎茶調散。治諸風上攻。偏正頭疼。方見傷風門

秘藏滋清膏

川芎

薄荷葉各三分

藁本錢一

甘草生半錢

炙甘草半錢

蔓荊子

細辛各一分

右為末。每二錢茶清下食後

按此手足少陽厥陰太陽少陰經藥也

元戎方治三陽頭痛

羌活

防風

荆芥

升麻

葛根

白芷

石膏

柴胡

川芎

芍藥

細辛

葱白連鬚

若陰證頭痛。只用溫中藥足矣。如理中姜附輩此

則專治三陽頭痛也

○治風寒之劑

仲景麻黃湯治太陽傷風頭痛無汗

桂枝湯治太陽傷風頭痛有汗二方並見傷寒門

局方如聖餅子治風寒伏留陽經氣厥痰飲頭痛

防風 天麻各半兩 南星 乾姜

川芎 甘草炙各一兩 半夏半兩 川烏去皮一兩

右細末蒸餅糊丸捻作餅子每五餅同荆芥穗細嚼茶清下

按此足三陽經藥也

秘藏羌活附子湯治冬月大寒犯腦令人腦痛齒亦

痛名曰腦風

麻黃節不去 黑附子 防風

白芷 白殭蠶 黃柏各二分

羌活 蒼朮各半錢 升麻二分

黃芪一分 甘草二分 佛耳草三分無寒嗽去之

右咬咀水煎服

按此手足太陽陽明太陰經藥也

寶鑑川芎神功散治風熱上攻偏正頭痛

川芎 川烏 白芷

有星 麻黃各半兩 甘草一分

服三錢姜水煎服

按此手足少陽厥陰手陽明太陰經藥也

三因芎辛湯。治傷風寒生冷。及氣虛痰厥頭疼如破。

兼眩暈嘔吐

附子去皮臍生用

烏頭生

天南星

乾姜

甘草炙

川芎

細辛各等分

右剉散。每四錢。姜五片。茶芽少許煎服。

按此足少陽經藥也

嚴氏小芎辛湯。治風寒在腦。或感邪濕。頭重頭疼。眩

暈嘔吐

川芎兩

細辛

白朮

甘草炙各半錢

右咬咀。每四錢。生姜五片。茶芽少許煎服。

局方加感三五七散。治風寒入腦。陽虛頭痛。

山茱萸去核三片

細辛半片

乾姜炮三片

防風片四

附子炮三十五隻去皮臍

茯苓去皮二片

右為末。每一錢。溫酒調下。

按已上二方。亦足少陰經藥也。

○治風熱之劑

秘藏清空膏。治偏頭疼。年深不愈者。及瘰癧風濕熱頭

痛上壅損目

羌活

防風各一兩

柴胡七錢

川芎五錢

甘草炙一兩半

黃連炒一兩

細銚子黃芩

二兩一分半酒洗一分炒

右爲末。每服二錢七。熱茶調。如膏抄在口內。少用白湯送下。○如苦頭痛。加細辛分二。○如大陰脉緩有痰。減去羌活。防風。川芎。甘草。加半夏一兩半。○如偏頭痛。服之不愈。減羌活。防風。川芎一半。加柴胡一倍。○如陽明頭痛。只與白虎湯中加白芷。

按此足三陽經藥也

川芎分三

羌活

防風

藁本

升麻

甘草各一錢

柴胡分七

黃芩炒四錢半

黃連四錢半酒洗

生地黄二錢

右爲末。每服一二錢。茶清調下。

按此亦三陽經藥也

細辛散。治偏正頭疼。

細辛分二

川芎分七

柴胡錢二

黃芩二錢一半酒洗一半炒

瓦礮粉錢二

炙甘草一錢半

黃連分七

芍藥錢半

右以咀。每服三錢。煎服。

按此少陽少陰太陰經藥也

寶鑑石膏散。治頭疼。

川芎

石膏

白芷等分

右爲末。每服四錢。熱茶清調下。

按此陽明少陽經藥也。已上東垣治風熱頭痛諸

方多不同者。以其有臟腑經絡之異也。今不詳載其方。然有用羌活。防風。川芎。柴胡。升麻。藁本。細辛之異者。行各經也。有用黃芩。黃連。黃柏。知母。石膏。生地黄之異者。分各臟瀉火也。用澤瀉。茯苓者。導濕也。又使邪氣自天而降也。用黃芪者。補氣行氣也。各隨病而增損之意。不可拘執也。

○治濕之劑

三因芎朮湯。治濕者頭重眩暈痛極。

川芎

白朮

附子

生去皮尖各半兩

桂心

甘草

各分

右咬咀。每服四錢。姜七片。棗一枚。同煎。食前服。

按此足少陰經藥也。治寒濕之藥。有熱者不治。

○痰厥頭痛之劑

秘藏半夏白朮天麻湯。治素有脾胃之證。時顯煩燥。大便不利。又出入為寒氣所鬱。悶亂大作。火鬱不伸。故也。醫疑有熱。服疎風丸下之。元證不減。復添嘔逆。食不能停。痰唾稠粘。涌出不止。眼澁頭旋。惡心煩悶。氣短促。上喘無氣力。目不敢開。如在風雲中。頭苦痛如裂。身重如山。四肢厥冷。是胃氣已損。復下兩次。重虛脾胃。病名曰痰厥頭痛。

半夏一錢

白朮

炒麴各錢

天麻

黃芪

人參

蒼朮

陳皮

澤瀉
黃栢分二

茯苓各半錢

大麥麩一錢半

乾姜分二

此頭痛苦甚。為足太陰痰厥頭痛。非半夏不能療。目黑頭旋。風虛內作。非天麻不能除。詳見試效方

家珍水煮金花丸。治頭痛每發時。兩頰青黃。眩運。目不欲開。懶欲言語。身重兀兀欲吐。數日方過。此厥陰太陰。合而為病。名曰風痰。服此藥。更灸俠谿二穴。不旬日愈。

局方玉壺丸。加雄黃白朮以治風濕。

按此出太陰嘔噦例。治風痰之藥也。

嚴氏三生丸。治痰厥頭痛。

半夏 白附子 南星各一分

右為細末。生薑自然汁浸蒸餅為丸。棗豆大。每服四十九。食後薑湯下。

按此藥出厥陰南星半夏例。亦治風痰之藥也。

寶鑑茯苓半夏湯。治風熱痰逆。嘔吐頭痛。

大半夏三枚 赤茯苓 黃芩 甘草 陳皮各一分
右剉薑三片煎

按此手足太陰經藥。治痰挾熱之藥也。其治痰挾寒之藥。與治風寒之劑相類者。采之。

○補氣之劑

寶鑑順氣和中湯。治年高氣弱。清氣不能上升。頭面

昏悶。本無表邪。因發汗數四。清陽之氣愈虛。故苦頭痛。惡風。不喜飲食。氣短。脈弱。弦細而微。宜升陽氣。

黃芪半一錢 人參錢一 白朮 陳皮

當歸 白芍藥分五 甘草分七 升麻

柴胡分三 川芎 細辛 蔓荆子各分

右剉作一服。水煎。食後服。

按此即補中益氣湯加減法也。內傷頭痛。本方加蔓荆子三分。痛甚加川芎二分。項痛腦痛。加藁本三分。若苦頭痛者。加細辛二分。諸頭痛併用此四味足矣。若頭上有熱。則此不能治。當以清空之劑。○補血之劑

機要四物湯治頭疼ヲ

四物湯中倍川芎ヲ

元戎古方治頭痛欲裂合

當歸二兩酒一升 煮取六合

按此二方。並出厥陰例藥也。

○搗藥

本事方治八般頭風

草烏尖 細辛分等 黃丹分少

右為末。每用少許。搗入鼻中立效。

秘方治頭痛不可忍

玄胡七枚 猪牙皂角肥實者二箇 青黛二錢

右為末。水丸。成小餅子。如杏仁大。用時。令病者仰臥。以水化開。用管送入。男左女右。鼻中覺藥。至喉。少酸。令病者坐。却令咬定銅錢一箇。於當門齒。當見涎出。成盆即愈。

三因方搐鼻藥

葶藶

良姜

各一分

白芷

一分

細辛

半錢

右為末。每服一小字。元含米一口。分搐鼻內。吐涎即止。

秘藏搐鼻欬全散。治風熱頭痛。

石膏

芒硝

白芷

各二錢

欬金

一錢

薄荷

三分

右為末。極細口含水。鼻內搐之。

按此陽明經藥也。

太陽經嚏藥

防風

二分

羌活

三分

紅豆

二箇

右為末。鼻內搐之。

元戎搐藥。瓜蒂散。治偏頭痛久不愈。服藥及針灸不効者。以其濕氣在頭也。

瓜蒂一味為末。少許吹鼻中。清水徐徐出一晝夜。濕盡病止為度。

按此已上搐藥。元戎云亦吐之義也。經云濕氣在上。以苦吐之。故邪在胸中服之。邪在頭目搐之。皆吐之屬也。張子和點目出泪。搐鼻流涕。口含麝涎。

皆以同乎吐也

○貼藥

前本事方。或三因藥為末和葱白搗泥為膏貼兩額上

○雜方

嚴氏葱附丸。治元氣虛墜上攻頭痛。

附子

一隻炮去皮臍

右為末葱涎為丸。桐子大空心茶清下

三真丸。治腎厥頭痛不可忍其脈舉之則弦。按之則堅

生硫黃

二兩別研

石膏

硬者

半夏

湯洗士次

硝石

另研各兩

右為末研勻用

為丸桐子大每

服四十九

按頭痛古人多從風證論治但其藥雖有辛平辛涼辛溫辛熱之殊。大抵皆於解散之中。分所挾之寒熱耳。至於傷寒頭痛。仲景論中亦詳。茲不詳載。但內因痰厥氣虛血虛頭痛之類。東垣雖有論有方。學者亦宜隨病審證而用藥。亦難拘於所錄之方。以盡其變也。又嚴氏治氣虛頭痛用附子。治腎厥頭痛用硫黃等藥。本出三因之論。其義皆未切。當今加補要之。備其說耳。

玉機微義卷之三十四終